




明詩正聲卷二十七

五言律詩八

廣陵

盧純學

江一夔



校閱

送史劉兩生還沔

陳文燭

秋氣何蕭瑟空庭一葉飛自憐為客久翻作送
人歸歲月空彈缺關河未授衣故園江正潦潮
打舊柴扉

湖上東徐明府

烟水渾無際翻同故國秋孤槎迴北斗咫尺是

南州鄉夢驚衡鴈浮沉愧海鷗美人不相見霜
角動新愁

送蕭司訓綿州

青天今蜀道白雪舊才名亦是乘槎去原非問
卜行三魚來講席萬馬自江聲後夜懷人夢迢
迢度錦城

送楊惟喬侍御北上

驛路飛新雨荒亭落晚風賜環霄漢上擊楫大
江中此地曾留犢都人尚避驄春華今又半尊

酒幾時同

送王元美按察楚中

掛席大江東寒濤落遠空尊前有明月到處自
雄風衡嶽秋回鴈江臯昔避驄故人懷往事感
慨酒杯中

冬日登毘盧閣

蹇達

塞鴈南飛迴高樓北望寒暮雲千嶂暝積雪萬
家殘四海征輸盡三巴道路難天涯對搖落那
得旅愁寬

中秋

此夜江城月長風破暝陰光含青嶂動影抱碧
潭深露下銀河白山空玉宇沉倚樓關塞遠橫
笛易沾襟

輓沈君典太史

壯志夔龍上深交管鮑間籍方通太史書遽托
名山神駿寧堪伏冥鴻竟不還玄亭臨宛水日
暮自潺湲

七夕同吳給事王比部宗考功燕集張園

余應舉

徑仄堪車馬亭虛入女牛長安仍七夕短髮文
經秋華月人同賦浮雲客倦遊未須憐
地一蜉蝣

暮投鉛山縣河口驛

梁辰魚

暝色正荒丘獨遊人正愁水迂斜避石沙澁半
歌舟白鴈宿蘆渚丹楓暗驛樓隣船有相識閒
坐說滄洲

會寧道中

方新

搖落悲秋客深知行路難千峰屯鐵木萬壑走
烏蘭擁節寧辭遠披裘不耐寒南雲瞻不極歸
路正漫漫

秋夜宿瓦亭驛

客路秋蕭瑟清宵宿瓦亭風聲迴曲榭月色到
踈櫺拭劍光逾紫挑燈影獨青夜深眠未得羌
笛共誰聽

塞上聽吹笛

沈淵

何處吹羌笛秋風滿玉關幾年愁作客此日更
摧顏慘淡胡天遠淒涼塞鴈還那堪梅盡落孤
月墮空山

對雨有懷

鳴雨猶不歇庭陰黯夕柯離情怨楊柳歸夢繞
關河人去青春杳秋來白髮多芙蓉堪自珮聊
以慰蹉跎

送陳仁甫太史奉使還楚

漢闕曙烟霏仙旌下紫微言將桐葉去遙向楚
雲歸酒日將夕臨風花亂飛故人時在念莫

遣鴈書稀

湖上

于慎行

黯淡秋湖色令人思杳然
斷橋橫落日遠水上
寒烟鳥傷平堤去鷗依折葦
眠吾家在湖曲閑
殺采菱船

香山寺與寶燈和尚談禪

趙邦彥

日月圍金界樓臺枕翠屏
覺花雙樹白忍草數
峰青諸法元無住真如總入冥
一燈傳聖諦彷彿有龍聽

夜登太白樓

歐大任

狂歌采石月高卧謫仙樓
珠斗當窓見銀河拂
檻流朔鴻飄塞色羌笛起鄉愁
何處思公子蛾眉夜夜秋

登雨花臺

天花何日雨臺下見長干
山色廬龍古江聲白
鷺寒雙林雲更落六代柳俱殘
祇有談經石蒼蒼繞法壇

張太學幼予劉大理長欽顧司勳道行胡

孝廉元瑞枉集徐氏東園遲李臨淮惟
寅不至共賦心字

賜園名杜曲邀客到山陰絃管歌中合魚龍席
下吟石曾驅海至谿似入江深驃騎難同賞空
馳徑寸心

徐飛卿過雲烟閣話別

郭第

飛閣真娛老陰森夏亦涼碧梧初下葉彩鳳欲
高翔海國潮生早江天路去長汀洲愁引望垂
柳不堪將

荅京國故人書

高永祉

上書知不報旅食又經春囊已千金盡身唯一
劍親白雲天際遠芳草路邊新切莫悲留滯終
當召買臣

贈戍邊人

功名當自致莫歎故鄉違孤劍一身去千山匹
馬飛北風沙上轉南鴈雨中歸知道臨邊日春
深未換衣

城北樓登望

王勣

騁望孤城北春雲雉堞高年華新白髮草色舊
青袍樹接天邊路山連海上濤憑闌無限意落
日首重搔

雨花臺

石壁崔嵬處梁王聽法場松風千界梵花雨四
天香日落漁洲遠雲連鳥道長臺城猶在望吊
古一霓裳

金州餞席留別

俞憲

別筵臨海嶠去住若為情臺迴雲連幕潮回月

滿城千峰當鏡出萬壑入杯平擬作從軍樂秋
風笳吹聲

青石嶺

蘇濂

鳥道盤雲細羊腸度坂危青迴峰歷亂丹轉磴
逶迤飲澗猿相挂懸崖樹倒垂平生愛山水此
地足棲遲

倒馬關

山向中天立人從絕塞還關高臨倒馬樹雜聽
鳴蟬峽轉疑無路峰迴別有天家園雖尚遠所

喜近平川

塞城即事

畫地論邊壘看圖列陣營名王原易縛諸將不
知兵客久通番語降多得虜情誰言班定遠不
是一書生

古意

蘇澹

郎君并州客賤妾邯鄲倡一語不相合三年空
自傷流塵暗綺閣涼飈迴洞房粧成春欲暮悽
斷九回腸

莫秋夜宿紫荆關

驛路飄黃葉關門薄紫荆上都瞻處近北斗坐
來平塞冷胡笳斷原荒野燒明終軍雖老大還
欲請長纓

杪秋竹亭送伯兄令尹赴部得都字

鴈影下寒蕪雙旌指上都菜亭聊繫馬赤縣欲
飛鳧閏月花枝晚離筵酒興孤郊原红柿樹先
染送行圖

送吳山人歸白下

華鰲

一尊河畔酒未盡即分襟岐路無他贈天涯別
淚深吳山秋月上楚水候蟲吟會有連床夢西
風托素心

送呂二山人中父

惆悵別君處年年繡水濱那堪多病客仍送異
鄉人秋老留紅葉風來轉白蘋征帆與歸鴈相
望各沾巾

送蘇礪石游晉

李同芳

海鶴志千里寧能滯故鄉一朝辭濮水六月下

汾陽紫塞連三晉青山接太行白雲凝望處漢
武舊臺荒

臨岐一杯酒送人還京

張士瀾

臨岐一杯酒惆悵故人違落葉雨中滿歸舟江
上稀路將天共遠帆逐鴈同飛去去還鄉樂無
勞淚濕衣

贈前峰王太史閒居

吳擴

水抱峰前屋圖書積五車只疑捫蝨處還似換
鴛家翠篠滴殘雨踈松明翠霞壺中間日月伏

火養靈砂

懷伯兄

老至無家別飄零何處邊音書常不定生死竟
誰傳朔鴈傷秋思陰蛩攪夜眠空庭孤月下顧
影一潸然

陪貞菴周公宿淨慈院

湖南名勝地一宿遠公房林淨露纖月境幽聞
妙香水螢過幌濕松吹墮衣涼近接尚書履東
山興未忘

吳司諫陸節推許明府西湖讌別

出郭興俱幽湖天媚晚秋波光搖綺席山翠入
蘭舟濁酒酬良晤清歌動別愁空憐明月好獨
自卧滄洲

春日同象安過芝谿別墅

朱永年

芳草經時綠沈冥獨閉關白雲生戶外流水到
花間林迸春前笋窓含雨後山寥寥鷄犬寂疑
是入商顏

夜次蕪湖

故園渺何處薄暮尚南征峭壁孤雲斷長江片
月明風烟迷建業道路入蕪城棹泊蘆花夜寒
沙宿鳥鳴

送郭黃門北上

千里識荊州那堪又遠游蘆花兩岫月帆影一
江秋離夢燕雲杳相思楚水流不知青瑣客能
復念滄洲

歲暮潯南方山人見訪

空山驚歲晚有客欸柴扉月落三江冷霜沉一
鴈飛黃金然諾重白首世情非短褐歌長鋏相
期共采薇

秋日

無限清秋興澄江天外流斷雲橫浦口落日下
城頭竹覆書齋冷鳥鳴山澗秋新涼披白苧瀟
散對滄洲

春眺兼簡楊石巖

周易

野曠春猶淺山明雪正殘楚雲棲樹濕淮雨過
江寒酒醒頻看劍愁深獨倚闌客從天上至猶

道未回鑾

送九華陳舉人歸菰城

倪伯鰲

飛觴臨震澤裘馬別吳天
路出千林外人歸一鴈前
西風白蘋水山色九華烟
袖有干將在龍文夜夜懸

東庫莊

石氣暗郊原微茫草樹繁
野風吹古渡細雨濕江村
雲淨四山立天垂一水昏
故人千里遠何處問王孫

得江郎中報遲久不至

黃克晦

郢曲別離調燕歌慷慨詞
故人期不至清夜坐相思
露冷蛩先覺天長鴈自知
床頭一斗酒相對定何時

赴荆南

徐學謨

鼓柁凌天塹因風發潤州
吳雲生別袂楚雨濕行舟
地盡巴人國春深庾客樓
鄉心日東注迴首大江流

鄖鄉

明言上卷
卷之三十一
客行厭車馬暫爾息征鞍公署緣蘿石春厨薦
韭盤素屏侵月淡高枕逼江寒捲霧春山曙時
時拄笏看

送杜少府之任德清

同是三吳地之官幾日程風來天目勝雨過雲
川平問俗饒桑柘經春采杜蘅懸知山縣僻長
日廢逢迎

東宋山人初至襄陽

梁園零落後賓客幾人存江上尋漁父山深望
鹿門鉢分僧舍飯瓢汲漢陰村迢遞東林月吟
殘楚此魂

聞宋山人遊鹿門山

此老終難托龐公尚有山謾騎黃鶴去高卧赤
松間荷鍾堪埋骨留書欲度關遺安何必問天
地一身閒

蜡閏廿一日東湖驛

窈窕東林路沿溪松影平馬蹄侵夕照鳥語變
春聲殘歲難為客荒郵不計程湖南從此去又

是隔年行

殘日

張九一

怪鳥啼殘日奇峰挂片雲
波濤城市合烟火舳
艫分卧並蛟龍穴遊將
虎豹羣更傳銅柱北新
駐越南軍

七月一日夜

不寐成危坐多愁恨獨醒
晴空明遠電涼露濕
繁星河色迎秋白江流
入夜青九疑何處是吾
欲問湘靈

早春偕高伯宗魏順甫二比部夜宴李伯

承符卿宅

霜雪朝能霽琴尊夜可消
寒辭三殿盡春入九
關遙北渚迴鴻鴈南宮
變柳條相將坐暝色海
月破烟霄

寄少村黃太僕

與君相別後天漢下秋風
落木催寒杵孤城急
暮鴻兵戈堪白髮歲月
有青楓日夜瞻南斗龍
光大海東

賦得火樹銀花合

火樹排虛上銀花入暗開一宵春色到萬戶夜
光來對月驚飄桂臨風想落梅莫辭歸去晚携
得艷陽回

張仰松招遊拂水舟中作

王用章

仙令能招客沿洄一水通晴沙明野日雲浪起
天風樹色移蓬底山光落酒中平生泥行樂不
省是江東

石湖夜泛

顧瑄

路遶蒼山入帆懸十里輕一湖澄月色萬木響
秋聲地僻人稀到林疎鳥易驚佛燈烟水上隱
隱照孤城

送程德良之長沙別駕

江瓘

罷起郎官草新乘半刺車聽猿休下淚賦鵬漫
生嗟別酒歲華莫征途雨雪賒送君從此別何
日到長沙

游摩訶庵

錢楷

登臨來寶地延討及春時簷柳嬌晴色岩松媚

晚姿山空禪梵寂林靜客杯遲幽賞意無盡還
應訂後期

新嘉驛亭

郭仁

東風吹客鬢重上倚雲亭幽草近生碧故山遙
送青窓虛分曉月堂迥帶春星酣睡遲明發脩
然土木形

廣陵夜泊聞鴈

姚湔

水宿蕪城夜長空落鴈聲入雲秋影沒到枕客
心驚寒月來燕塞西風過石城可能懸尺帛一

寄故園情

巴東公署感秋

姚汝循

薄暮宿巴東蕭條旅舍空江聲欹枕外山靄閉
門中殘雨滴踈樹荒原飛斷蓬長途對搖落一
倍感秋風

和高介夫江上旅懷

陳大震

客子意多違江頭日掩扉書從愁裡寄身向夢
中歸獨坐臨流水長吟對落暉知君羈思苦此
夜更依依

送人

握手重含情，憐君萬里行。
馬嘶霜滿地，鷄唱月臨城。
客久黃金盡，愁多白髮生。
到時如寄訊，須及鴈南征。

邊庭曉角

画角響長榆，秋深尚備胡。
一聲驚塞馬，三奏起城烏。
慘共繁霜重，悽同片月孤。
居人不願聽，况復是征夫。

陸無從夜宿寶光寺賦此懷寄兼簡同游

潘葛二子

雪霽峰頭寺，人天萬里同。
樹搖風色裡，泉響月明中。
青鬢憐潘岳，丹砂問葛洪。
詎容成寐寔，兀坐歎途窮。

園居

錢兆賢

遠性甘田里，閒居近水濱。
夜喧千澗雨，曉散一江雲。
門外荒山斷，橋邊古路分。
朝來風日好，漁唱隔溪聞。

賦得春水

凌東京

一雨添新漲溪流幾曲通
穀文迎夕吹練色倒
晴空映柳波全碧浮花澗
半紅臨川意不盡心
與白鷗同

山谿

白書

萬樹欲參天山形斷復連
人家青壁上僧寺白
雲巔谿色朝含雨林光起
暮烟更憐垂釣者終
日坐臨川

渡滹沱河

江一魚

孤城寒水上數里即滹沱
三輔重關盡中流擊
楫過浮雲看薄宦秋色入
高歌木葉蕭蕭下其
如客鬢何

寄季章弟

尺素寄平安臨絨復取看
愁心空欲折老淚未
曾乾不覺別時易翻思會
面難十年今始調且
莫問漁竿

江上

霜落孤城冷空江水半枯
西風凋木葉宿雨淨
菰蒲坼缺青帆隱沙平白
鴈呼澹然秋色裡相

對一尊孤

冬日城望

江一鵬

獨立層城暮高原草木稀雨兼殘葉下雲帶斷
鴻飛林暝月初上江寒潮正歸客懷牢落盡空
憶舊漁磯

舟中有懷

孤舟緣野岸萬樹出寒村明月見歸鴈清霜聞
斷猿柴門逢夜閉漁火過江昏此際正無賴相
思空綠尊

月夜度淮河

一別幾千里去家多半年河聲常入夜月色不
離船重露溥秋樹荒城藹宿烟淮流應不盡隨
過驛樓前

上方寺

去郭遠塵事入門聞慧香斷碑猶有字古刹已
無廊啼鳥晝常寂野花秋正芳醉歸歌慷慨獨
棹下殘陽

深村雙柳

陳純

鬱鬱深村柳依依曲水湄花隨風並舞絲共露
雙垂不受章臺折非關御苑移閨愁與宮怨生
長未曾知

秋日同郭次父西莊看月得原字

誅茅開小徑種樹接高原明月開場圃清溪映
竹門故交千里至同社幾人存莫問還山路新
詩且細論

吳幼元光祿園亭

童佩

名園仙吏隱石畔葯為房門染芙蓉色墻懸薜

荔香下帷花撲卷高卧竹當牀別有懷人處清
秋月滿廊

折楊柳

張以文

萬里邊城地三春楊柳時花如關外雪葉似鏡
中眉娼婦高樓別征人遠塞思歲華憐易擲攀
折總堪悲

趙康王賜宴隱耕園

顧聖之

飛蓋西園集追隨盡羽觴笙歌徵舊部羅綺競
新粧雲暗三臺樹庭明九月霜客來時薦醴不

記楚元王

邑城登眺

汪一中

下邑古名區層城接海隅平臨珠斗迴遠眺白
烟孤山勢通全楚江聲入舊吳附庸元此地形
勝拱南都

出薊州西門

余時中

迢遞漁陽道秋風匹馬嘶狼烟連漠北胡騎獵
山西首着迎霜老颯颯當晝啼行人懷往路禾
黍夕陽低

送弟崇胤北行

汪傳芳

搖落已無賴難禁離別情江天萬里遠烟雨一
舟輕仗劍雄心在懸燈旅夢驚五雲翹首處縹
緲是神京

得家兄避寇消息

戴瓘

問訊東吳使秋來尚避兵一身依短劍數口寄
孤城旅食應無定歸舟未有程此時正愁絕聞
鴈若為情

虜警

包大中

明言正卷
卷之二十一
旅食當秋暮頻驚北虜過烟塵三輔動戎馬四
郊多漢月低青海胡星犯白河宵衣常拊髀更
自憶廉頗

泊淮上

金鑾

愁輕游冶興老重別離情野戍寒更盡河橋春
水生斷雲踈鴈影殘月亂雞聲明發應千里蕭
蕭過楚城

雨霽山城閒步

春雨百花生春遊及雨晴路從天外出人在畫

中行山氣連城合江流到海平煖風三十里吹
入咲歌聲

再遊虎丘寺

花滿招提境春來幾度尋烟霄開紫閣雲日亂
青林峭壁臨流淺長松入院深縈紆意不盡迢
遞俯城陰

除夜客廣陵

一冬初見雪半夜已逢春慙媿長途客栖遲多
病身不知更甲子翻若守庚申唯有雙蓬鬢明

朝與歲新

姑蘇與王九之話舊

慣作他鄉客欣逢故國人鳥啼吳苑夕花發洞
庭春短吹橫江急長歌對酒新歸歟今日事前
路有通津

雁山石梁

陳師

飛虹懸古洞積翠聳雲端石髓千年滴陰厓六
月寒僧如辟支定松作老龍蟠自咲探竒僻層
巒到處看

春日包將軍彥和邀集西塔寺閣同顧山

人季狂諸孫景武得清字

方攸濟

層樓俯郡城窈窕梵林清客到諸天午窓開萬
樹晴赤霞來海色黃鳥送春聲醉倚將軍馬相
看賦已成

過天門關

桑紹良

匹馬度天塹空山閉石門泉聲垂樹杪嵐氣動
雲根波浪黃河湧風沙紫塞昏驅車王子贛到
此亦銷魂

幽居

許如松

步屨上階除春深雨過初蓬生三徑合竹映小
窓虛簾捲來梁燕書掀走壁魚經年常閉戶莫
問出無車

偕成慎齋登東巖望普照寺

共脫塵中鞅來攀天外峰重巖多細菊絕頂自
高松蘿薜千年鶴雲霞五色龍欲尋蕭寺路暝
色度踈鐘

山居

汪時元

烟霞一以卧歲月幾回新不是青山色寧留白
眼人行藏惟自適窮達好誰論獨有岩中桂秋
來倍可親

元日

淑氣冰霜後東風草木前紅顏憐舊日白髮見
新年栢葉浮春酒梅花落舞筵興來搖彩筆聊
和郢中篇

襄陽留別徐尊師入滇

飲罷宜城酒陶然日月間使星遙入部真氣又

臨關暮雪飄三楚春風動百蠻南征天更遠縹
緲萬重山

春日登狼山二首

盧純忠

海氣晝冥冥禪關萬木青輕雲飛上界空翠落
虛庭山閣留人坐江風吹客醒東南形勝地兵
甲幾時寧

其二

載酒耽竒賞披襟此勝遊波光醒醉眼山色破
窮愁樓閣春雲潤帆檣夕照收吳王臺上月還

照楚江流

曉發齊東

疋馬發青齊鄉關罷鼓輦客行秋趁鴈旅宿夜
聽雞天際黃河險雲邊楚岫低望迷南去路風
露遠淒淒

舟發高平書懷

遙知滄海上日日望歸人那道薄遊子長途正
問津楚雲迷故國濟水送孤身落莫誰相語愁
來淚滿巾

贈戍邊人

凌飛閣

離情暮不堪萬里送征驂
乘障胡雲北思家漢月南
羌歌城上聽虜酒帳中酣
一戰勤王後功成在笑談

為戍邊人荅

側身備行伍垂涕別交歡
未識從軍樂先知行路難
戎衣邊雪冷缺騎朔風寒
鄉國煙塵外茫茫何處看

過陳思靜天寧寺所居

別業依祇樹虛齋垂古藤
客携藜杖至人待鶴書徵
午飯隨僧磬宵帷借佛燈
還憐幽寂裏因得悟真乘

賦得湛湛江水上有楓

古岸丹楓合高秋正沈寥
亂煙相掩暎踈雨共飄飄
逝影隨流水寒聲帶落潮
楚人吟望處愁思暮迢迢



